

UNIVERZITET U TUZLI

SENAT

Broj: 03-1160-1-2/21

Tuzla, 26.02.2021. godine

Na osnovu člana 60.stav (1) tačka a) Zakona o visokom obrazovanju („Službene novine Tuzlanskog kantona“, broj: 07/16, 10/16, 5/17, 15/17,15/19 i 9/20) i člana 119a. Zakona o izmjenama i dopunama Zakona o visokom obrazovanju („Službene novine Tuzlanskog kantona“ broj: 9/20), člana 52. stav (1) tačka a) Statuta Univerziteta u Tuzli, a u vezi sa Naredbom Kriznog štaba Federalnog ministarstva zdravstva i preporuka nadležnih organa TK, Senat Univerziteta u Tuzli na sjednici održanoj dana 26.02.2021. godine, donio je

ODLUKU

o načinu organizacije nastave, ispita i odbrana završnih radova na Univerzitetu u Tuzli u ljetnom semestru akademske 2020/21. godine

I

Nastava na fakultetima/Akademiji Univerziteta u Tuzli na prvom, integriranom prvom i drugom, drugom i trećem ciklusu studija u ljetnom semestru akademske 2020/21. godine organizovati će se na klasičan način koji podrazumjeva fizičko prisustvo i interakciju studenata i nastavnika/saradnika ili kombinovano: klasičnim načinom i kao nastava na daljinu, u zavisnosti od broja studenata na studijskoj godini, broja grupa za vježbe, broja studenata u grupi za vježbe, u skladu sa raspoloživim prostorom i tehničkim mogućnostima, te svim specifičnostima i zahtjevima studijskih programa fakulteta/Akademije, uz primjenu važećih epidemioloških mjera i preporuka nadležnih organa.

U slučaju pogoršanja epidemiološke situacije nastava će se organizovati na daljinu, o čemu će Senat Univerziteta donijeti posebnu odluku.

II

Nastava na daljinu se izvodi uz pomoć softverskih aplikacija Moodle platforma s besplatnim pluginom za videokonferencijski sistem BigBlueButton, Google cloud servis u okviru “G suite for education” i putem drugih dostupnih softverskih aplikacija (zoom, google meet), prema utvrđenom rasporedu nastave koja podrazumijeva interakciju između predmetnog nastavnika/saradnika i studenta.

Izuzetno, u slučaju tehničkih poteškoća, nastava na daljinu se može izvoditi i po modelu snimljenih predavanja/vježbi (prezentacija sa audio i/ili video zapisom nastavnika/saradnika koja je dostupna studentima.

Nastava na daljinu, dostavljanjem studentima prezentacija ili tekstova u pdf formatu neće se smatrati održanom nastavom.

III

Bliži način organizacije nastave (predavanja, vježbe, konsultacije, ispita i sl.), u skladu sa tačkama I i II ove Odluke utvrđen je Kriznim planom fakulteta/ADU koji donosi dekan fakulteta/ADU.

IV

Nastava u učionici može se organizovati u dvije smjene (od 8:00 do 21:00 h), vodeći računa da se rasporedom nastave osigura kontinuitet unutar jedne smjene.

V

Dekani fakulteta/Akademije u obavezi su na web stranici fakulteta/Akademije objaviti informaciju o načinu organizacije nastave i raspored nastave za sve studijske godine.

VI

Organizacija ispita (redovni ispitni rokovi, parcijalne provjere znanja, ispiti za apsolvente i imatrikulante), odbrane završnih radova prvog, integriranog prvog i drugog, drugog i trećeg ciklusa studija, kao i odbrane projekata, vršit će se na klasičan način, uz primjenu važećih epidemioloških mjera i preporuka nadležnih organa i Uputstava za zaposlenike/spoljne saradnike i studente fakulteta/Akademije Univerziteta u Tuzli o organizaciji i realizaciji nastave/ispita/odbrana projekata/završnih radova na prvom, drugom i trećem ciklusu studija u prostorijama Univerziteta i provođenju mjera sigurnosti i zaštite zdravlja u okolnostima rizika od zarazne bolesti COVID-19.

VII

U slučaju pogoršanja epidemiološke situacije, ispiti i druge aktivnosti iz tačke VI ove Odluke održavati će se na daljinu, u skladu sa Odlukom za realizaciju online ispita studenata Univerziteta u Tuzli u akademskoj 2020/21. godini, broj: 03-4232-1-2.1/20, od 21.09.2020. godine i Odlukom o dopunama Pravila o načinu polaganja ispita i ocjenjivanju studenata na Univerzitetu u Tuzli (Prečišćeni tekst), broj: 03-4232-1-2/20, od 21.09.2020. godine, o čemu će odluku donijeti Senat Univerziteta.

VIII

Za realizaciju ove Odluke zadužuju se dekani fakulteta/Akademije.

IX

Ova Odluka stupa na snagu danom donošenja, a objavit će se na web stranici Univerziteta.

Dostaviti:

1x Rektor/prorektorima

1x Dekanima fakulteta/ADU

1x Generalnom sekretaru

1x Ured za nastavu i studentska pitanja

1x web administratoru

1x Senat



PREDSJEDAVAJUĆA SENATA

Vermina Hadžigrahić
Dr. sci. Vermina Hadžigrahić, redovni profesor